



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-376-4/25**
Datum: **15.10.2025. godine**

„Agencija za vodno područje rijeke Save“ Sarajevo rješavajući po zahtjevu pravnog lica „FASOGAS“ d.o.o. Čelić za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u ulici Šibošnica bb, općina Čelić, na osnovu člana 109. stav (1) Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „FASOGAS“ d.o.o. Čelić, daje se vodna dozvola za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u ulici Šibošnica bb, općina Čelić, na zemljištu označenom kao k.č. broj: 18/2 K.O Nahvioci, općina Čelić.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom Investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se skladištenje nafte i naftnih derivata vrši u podzemnim čeličnim dvoplašnim spremnicima ukupne zapremine 100 m³ sa pripadajućom armaturom za rukovanje, praćenje i sigurnost rada.
 - 3.3. Korisnik objekta je obavezan vršiti redovnu kontrolu međuplašnog prostora rezervoara za skladištenje naftnih derivata, njihovo čišćenje i kontrolu rada.
 - 3.4. Skladištenje i pretakanje nafte i naftnih derivata vršiti u skladu sa Zakonom o naftnim derivatima u Federaciji Bosne i Hercegovine („Službene novine Federacije BiH“, broj 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.5. Korisnik poslovnog objekta za sve vrijeme trajanja ove vodne dozvole treba obezbjediti da se oborinske onečišćene vode sa lokacije predmetne benzinske stanice sakupljaju putem slivnika sa slivnom rešetkom i internom kanalizacionom mrežom odvede do ugrađenog trokomornog betonskog separatora, ovako prečišćene vode se preko okna za monitoring ispuštaju u otvoreni oborinski odvodni kanal sa ispustom u rijeku Šibošnicu.
 - 3.6. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetne benzinske stanice može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.7. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti u skladu sa članom 14. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24).
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu

člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).

- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
 - 3.11. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.12. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
 - 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 13. i 22. te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik predmetnog objekta „FASOGAS“ d.o.o. Čelić, je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „FASOGAS“ d.o.o. Čelić, zahtjevom bez broja od 08.09.2025. godine se obratilo ovoj Agenciji za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima, izgrađene u Šibošnica bb, općina Čelić, na zemljištu označenom kao k.č. broj: 18/2 K.O Nahvioci, općina Čelić.

U provedenom postupku dostavljena je i pregledana sljedeća dokumentacija:

A. Opšta dokumentacija

- Kopija rješenja o registraciji u sudski registar subjekta „FASOGAS“ d.o.o. Čelić, broj: 032-0-Reg-11-003145 od 13.03.2012. godine;
- Kopija uvjerenja o poreznog registraciji obveznika „FASOGAS“ d.o.o. Čelić, od 21.07.2004. godine izdato od strane Porezne uprave FBiH – Kantonalni porezni ured Tuzla;
- Elaborat o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za benzinsku stanicu Fasogas d.o.o. Šibošnica – Čelić izrađen od strane „SODASO Institut za hemijsko inženjerstvo“ Tuzla, novembra 2009. godine;
- Projekat izvedenog stanja, prikupljanja, tretmana i odvođenja otpadnih voda sa objekta benzinske stanice, urađen od strane „PGP HIDROINŽENJERING“ d.o.o Tuzla, januar 2020. godine;
- Kopija Rješenja o odobrenju za upotrebu donesenog od strane općine Čelić broj: 05/5-23-1543-3/04 dana 27.07.2004. godine;
- Kopija Računa za vodosnabdijevanje i odvođenje otpadnih voda za maj, juni i juli 2025 od JKP „Čistoća“ d.o.o. Čelić;
- Kopija Računa za čišćenje separatora od 08.09.2025., br. 01024/25 od strane firme „Kemeko – BH“ d.o.o. Lukavac;
- Kopija Rješenja o vodoprivrednoj saglasnosti donesenog od strane Ministarstva poljoprivrede, šumarstva i vodoprivrede broj: 04-25-1694/99/20 od 15.11.1999. godine;
- Kopija ugovora za usluge čišćenja separatora za „FASOGAS“ d.o.o. sklopljenog sa „KEMIS-BH“ d.o.o. Lukavac od 22.07.2019. godine;
- Izvještaj o monitoringu kvaliteta i kvantiteta otpadnih voda benzinske pumpe „FASOGAS“ d.o.o. Čelić, izrađen od strane „RGH Inspekt“ d.o.o. Sarajevo, maj 2025. godine;
- Kopija Rješenja o urbanističkoj saglasnosti donesenog od strane općine Čelić broj: 03-2-221-1/99 dana 29.04.1999. godine;
- Kopija ugovora o pružanju komunalnih usluga za „FASOGAS“ d.o.o. sklopljenog sa JKP „ČISTOĆA“ d.o.o. Čelić dana 07.12.2022. godine;
- Kopija Zapisnika o izvršenom tehničkom pregledu objekta benzinske pumpe u naselju Šibošnica dana 11.10.2002. godine;
- Dokaz o uplati upravne pristojbe.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-376-2/25 od 09.10.2025. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Predmetna benzinska stanica se nalazi u mjestu Šibošnica, općina Čelić. U sklopu objekta su smješteni slijedeći sadržaji: kancelarija, trgovina, sanitarni čvor, rezervoari za gorivo, parking i manipulativni prostor. Vodosnabdijevanje predmetne benzinske stanice se vrši se iz gradskog vodovodnog sistema. Oborinske onečišćene vode koje nastaju na predmetnoj lokaciji se prikupljaju putem linijskih slivnih rešetki, te kanalizacionim cijevima vode do trokomornog betonskog separatora, ovako prečišćene vode se preko okna za monitoring ispuštaju u otvoreni kanal za odvodnju oborinskih voda sa ispustom u rijeku Šibošnicu.

Skladištenje nafte i naftnih derivata se vrši u podzemnim čeličnim dvoplašnim rezervoarima ukupnog kapaciteta 100 m³. U funkciji su dva rezervoara ukupnog kapaciteta 50 m³.

Vrši se redovno održavanje i korištenje postojećih objekata i sistema čija je svrha prikupljanje, tretman i odvodnja oborinskih otpadnih voda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i članova 14., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „FASOGAS“ d.o.o Čelić ispunio minimum uslova za izdavanje vodne dozvole za ispuštanje oborinskih onečišćenih voda sa lokacije benzinske stanice u naselju Nahvioci, općina Čelić, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Munir Trako, dipl.inž.građ.

Po ovlaštenju
Rukovodilac Sektora za izdavanje
vodnih akata



Nihad Pezo, dipl.inž.građ.

Dostaviti:

- „FASOGAS“ d.o.o. Čelić, Šibošnica bb, 75246 Čelić
- Ⓢ AVP Sava, ISV-vodna knjiga
- Sektor 50
- Sektor 40 - arhiva
- Oglasna tabla AVP Sava Sarajevo